



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmvla Casvvm Conscientiae De Sacramentis

Gretser, Jacob

Ingolstadii, 1611

Antipharmacum.

urn:nbn:de:hbz:466:1-40295

Quæritur V. Vtrum Lutherani neminem ad Confessionem cogant. Affirmat Lutherus in Admonitione ad Francoford. Tom. 6. Ien. Germ. Zwar wir zwingen niemand zur Beichte / wie das alle vnser Schrifte bezeugen. Wer sie nicht haben wil / der laß sie faren / gleich wie wir nichts darnach fragen / Wer vnsern Catechismū vnd Lehr nicht haben wil. Die helt niemand den anderen. *Neminem cogimus ad Confessionem; quod omnia nostra scripta testantur. Qui Confessionem habere non cupit; relinquat. Quemadmodam non curamus si quis nostrum Catechismum & doctrinam respuat. Hic nemo alterum impedit.*

Antipharmacum.

Hæc falsa esse, ostendunt, quæ paulo antea ex Instructione visitatorum commemorauimus. Scilicet hoc non est cogere, si quis à cœna repellatur, nisi prius aut Prædicantis examen & censuram subeat; aut confiteatur. Clamant quidem semper fidem & fidei instituta debere esse libera. Sed quam libera sint apud sectarios, non tantum vulgo, sed & iis, qui supra vulgus locati sunt; notum est. Et quàm Lutherus æquo animo tulerit suum Catechismum suamque doctrinam ab aliis repudiari, testantur scripta eius in Sacramentarios, & alios, quos placitorum suorum aduersarios habuit. Suspicionem de coactione inlicit quoque Confessio Augustana, cuius hæc sunt verba: *Confessio in Ecclesiis apud nos non est abolita, non enim solet porrigi corpus Domini, nisi antea exploratis & absolutis.* An non est hoc compellere, cœnam negare, nisi prius examini te subiicias?

Quæritur VI. Num saltem homines ad Confessionem cogi debeant. Respondet Lutherus Serm. de Confessio-

fessio-

feſſione Tom. 1. Lat. VViteb. *Deus non probat eam confeſſionem, aut vllum aliud opus, ſi inuitus illud facias. Imò præſtat omnino non confiteri, quàm inuitum confiteri. Non deletur Deus iis, aut probat eos, qui inuiti ita confitentur, vult potius vt volentes & ex animo id faciamus.*

Antipharmacum.

PRÆCEPTVM non impedit, quo minus quis id, quod præcipitur, volens & ex animo faciat: alioqui nemo volens & ex animo ſeruaret Decalogum, qui nihil niſi præcepta continet; nemo item volens & ex animo obtemperaret præcepto ſuſcipiendi baptiſmum ſumendique Euchariftiam, & profitendi fidem Chriſtianam; neq; quiſquã volens & ex animo pareret legib. politicis. Et tamẽ nec Lutherus nec Lutheranus vllus dicet has leges diuinas & humanas à libentib. & volentib. nõ ſeruari: Imponit quidem lex neceſſitatem; ſed non obſtat, quo minus quis neceſſitati legis volens, libere & ex animo ceruicem ſupponat. Et cum quis pœnis quoque ad aliquid agendum adigitur, non hoc quæritur, vt inuitus aliquid agat, ſed vt metu pœnarum ex inuito & nolente ſpontaneus & volens efficiatur. *Quod vobis videtur, inquit S. Auguſtinus, inuitos ad veritatem non eſſe cogendos, erratis neſcientes ſcripturas, neque virtutem Dei, qui eos volentes facit, cum coguntur inuiti: Nunquid enim pœnitentiam inuiti egerunt, quia hoc Rege ſuo compellente fecerunt?*

Quæritur VII. Quanti Lutherus confeſſionem auricularem fecerit. Reſpondeo, hoc liquere ex ſequentibus eius testimoniis. Serm. de Confefs. Tom. 1. Lat. Witeb. *Nolim magno carere confeſſione, ideo quod liceat omnia qua ſentis in fratris ſinum effundere, & conqueri de iis, qua in te conſcientiam urgent, &c. Maximum theſaurum*